

**Ծրագիրն իրականացնում է
Հայկական Կարիտասի Երևանի ենթազրահայնակը**

Գրասենյակի պատասխանատու
Մովսես Հակոբյան
Ծրագրի ղեկավար
Տիգրանտի Տարախչյան
Չայկովսկի 34, րև. 23
Երևան, Հայաստան
Հեռ.՝ (37410) 56 57 66
Էլ. փոստ՝ m.hakobyan@foy.caram.am
t.tarakhchyan@foy.caram.am

**Տեղեկատվություն կարող եք ստանալ նաև
հետևյալ հասցեներով**

Հայկական Կարիտասի Գլխամասային Գրասենյակ
Ծրագրի օգնական
Լիանա Եֆրեմյան
Հ. Սարգսյան 8, Նրքանցք 3
3118, Գյումրի, Հայաստան
Հեռ.՝ (374312) 5 72 01
Ֆաքս՝ (374312) 5 78 49
Էլ. փոստ՝ caritas@caram.am
l.yefremyan@caram.am

Հայկական Կարիտասի Գավառի ենթազրահայնակ
Գրասենյակի պատասխանատու
Անդրանիկ Եղիազարյան
Թումանյան փող. 22
378630 Գավառ, Հայաստան
Հեռ.՝ (374264) 2 17 94, (374264) 2 67 21
Բջջ.՝ (37491) 21 92 24
Էլ. փոստ՝ a.yeghiazaryan@fog.caram.am




Caritas
AUSTRIA



**ՄԻԳՐԱՆԻԱ
ԵՎ ԶԱՐԳԱՆՈՒՄ**

Եթե դուք երկար ժամանակ Հայաստանից բացակայելուց հետո վերադարձնել եք հայրենիք և ցանկանում եք ձեր սոցիալ-տնտեսական վիճակը բարելավելու նպատակով զբաղվել բիզնեսով, այդ հարցում ձեզ կօգնի «Հայկական Կարիտաս» բարենիրական հասարակական կազմակերպությունը, որը Լիխտենշտեյնի կառավարության և Կարիտաս Ավստրիայի աջակցությամբ իրականացնում է «Միգրացիա և Չարգացում» ծրագիրը: Ծրագրի շրջանակներում Եվրոպական միության երկրներից կամավոր վերադարձողներին հնարավորություն կտրվի հիմնելու սեփական բիզնես, որի համար Հայկական Կարիտասը կարող է նրանց

- ▶ տրամադրել խորհրդատվություն բիզնես սկսելու և զարգացնելու համար
- ▶ աջակցել բիզնես պլանների կազմման գործում
- ▶ տրամադրել փոխառություն բիզնես սկսելու համար
- ▶ փոխառություն ստանալու համար պետք է ներկայացվի բիզնես ծրագիր
- ▶ փոխառությունը տրվում է 0% տոկոսադրույքով
- ▶ փոխառության մարման ժամկետը 1 - 2 տարի, կախված բիզնեսից
- ▶ օգնել բիզնեսի զբաղման և պետական մարմինների հետ բիզնեսին առնչվող այլ հարաբերությունների կարգավորելու հարցերում
- ▶ օգնել բիզնեսի կառավարման, հաշվետվությունների պատրաստման հարցերում
- ▶ անհրաժեշտության դեպքում կազմակերպել վերաորակավորման դասընթացներ
- ▶ ապահովել անհրաժեշտ ուսուցումներով, ուղեցույցներով



«Հայկական Կարիտաս» բարենիրական հասարակական կազմակերպությունը իրականացնում է «Միգրացիա և Չարգացում» ծրագիրը Լիխտենշտեյնի կառավարության և Ավստրիական Կարիտասի ֆինանսական աջակցությամբ:

և տեղեկատվությամբ:

Ճեռնարկատիրական գործունեություն սկսելուց առաջ ծանոթացեք բիզնեսի ընտրության և գրանցման հետ կապված որոշ տեղեկությունների, որը ձեզ կօգնի ճիշտ կողմնորոշվելու և հաջող գործ սկսելու հարցում:

Հայաստանում ձեռնարկատիրական գործունեության հիմնական ոլորտներն են՝

▶ **Գյուղատնտեսություն**

(անասնապահություն, այգեգործություն, բանջարաբուստանային կուլտուրաների աճեցում, գյուղատնտեսական մթերքների վերամշակում և այլն)

▶ **Մտայությունների րնագավառ**

(հասարակական սնունդ, սպասարկման և վերանորոգման արհեստանոցներ, տրանսպորտային ծառայություններ և այլն)

▶ **Առևտուր** (մեծածախ և մանրածախ)

▶ **Արտադրություն** (ապրանքի, գույքի, մթերքի արտադրություն և այլն)

Ձեռնարկատիրական գործունեության ոլորտի ընտրությունը կատարելուց հետո անհրաժեշտ է որոշել նրա կազմակերպարկավական ձևը: Հայաստանի Հանրապետությունում ձեռնարկատիրական գործունեություն սկսելու համար անհրաժեշտ է գրանցվել որպես

- ▶ անհատ ձեռներեց (ԱՉ) կամ
- ▶ առևտրային իրավաբանական անձ (ԻԱ):

Անհատ ձեռներեցը ֆիզիկական անձ է, որն իրավունք ունի իր անունից և իր ռիսկով գրադվել տնտեսական գործունեությամբ բիզնեսի գրեթե բոլոր բնագավառներում: ԱՉ-ն օժտված է լիակատար պատասխանատվությամբ, այսինքն իր գործունեության, պարտավորությունների ու պարտքերի

համար պատասխանատու է իրեն պատկանող ամբողջ գույքով: Լեռկայուն Հայաստանում գործող փոքր բիզնեսների մեծ մասը գրանցված են որպես անհատ ձեռներեց, որը բիզնեսը գրանցելու ամենաարագ և ամենահեշտ ձևն է: ԱՉ գրանցվող բիզնեսի չափերի հետ կապված ՀՀ գործող օրենսդրությամբ ոչ մի սահմանափակում չկա: ԱՉ-ի համար հաշվապահական պահանջները ավելի թեթև են և հարկային թղթաբանությունը ավելի հեշտ է:

Իրավաբանական անձ. Կախված հիմնադիրների կազմից, մասնակիցների իրավունքների քննարկից Հայաստանում կարող են հիմնադրվել առևտրային իրավաբանական անձանց հետևյալ տեսակները

- ▶ Ընկերություններ
- ▶ Կոոպերատիվներ
- ▶ Ընկերակցություններ

Սահմանափակ պատասխանատվությամբ ընկերությունը (ՄԳԸ) մեկ կամ մի քանի անձանց կողմից հիմնադրած իրավաբանական անձ է, որի կանոնադրական կապիտալը բաժանված է ընկերության կանոնադրությամբ սահմանված չափերով բաժնեմասերի: ՄԳԸ-ի մասնակից կարող են լինել ինչպես ֆիզիկական, այնպես էլ իրավաբանական անձինք: ՄԳԸ-ի մասնակիցների թիվը չպետք է գերազանցի 49-ը, այլապես այն մեկ տարվա ընթացքում պետք է վերակազմավորվի բաժնետիրական ընկերության: ՄԳԸ մասնակիցները պատասխանատվություն չեն կրում ընկերության պարտավորությունների համար: ՄԳԸ մասնակիցները պարտավորություն են կրում իրենց բաժնեմասի անվանական արժեքի չափով: ՄԳԸ-ն Լեռկայուն ձեռնարկատիրական գործունեության կազմակերպման ամենատարածված տեսակներից է:

Լրացուցիչ պատասխանատվությամբ ընկերությունը (ԼԳԸ) մեկ կամ մի քանի անձանց կողմից հիմնադրած



իրավաբանական անձ է, որի կանոնադրական կապիտալը բաժանված է ընկերության կանոնադրությամբ սահմանված չափերով բաժնեմասերի: Լրացուցիչ պատասխանատվությամբ ընկերության մասնակիցները ընկերության պարտավորությունների համար պատասխանատվություն են կրում իրենց զույրով ընկերության կանոնադրությամբ բոլորի համար միանման որոշված իրենց ավանդների արժեքի բազմապատիկի չափով:

Բաժնետիրական ընկերությունը (ԲԸ) այն իրավաբանական անձն է, որի կանոնադրական կապիտալը բաժանված է որոշակի թվով բաժնետոմսերի: Բաժնետիրական ընկերությունները լինում են բաց և փակ: Բաց բաժնետիրական ընկերությունը (ԲԲԸ) անցկացնում է իր թողարկած բաժնետոմսերի բաց բաժանորդագրություն և ազատ վաճառք: Փակ բաժնետիրական ընկերության (ՓԲԸ) բաժնետոմսերը բաշխվում են միայն նրա հիմնադիրների միջև և դրանց փոխանցումը այլ անձանց արգելվում է: Բաժնետիրական ընկերությունը կարող է հիմնադրվել ինչպես ֆիզիկական անձանց, այնպես էլ իրավաբանական անձի կողմից: Բաժնետիրական ընկերությունը կարող է հիմնադրվել մեկ անձի կողմից կամ կազմված լինել մեկ անձից՝ բաժնետիրոջ կողմից բոլոր բաժնետոմսերը ձեռք բերելու դեպքում: Բաժնետիրական ընկերության մասնակիցները պատասխանատվություն չեն կրում ընկերության պարտավորությունների համար և իրենց պատկանող բաժնետոմսերի արժեքի սահմաններում կրում են ընկերության գործունեության հետ կապված վնասների ռիսկը:

Արտադրական կոոպերատիվը (ԱԿ) քաղաքացիների և իրավաբանական անձանց անդամության վրա հիմնված ու իր անդամների զույրային փայալձարների միավորման միջոցով մասնակիցների նյութական և այլ կարիքների բավարարման նպատակով ստեղծված կամավոր միավորում է: Կոոպերատիվը ոչ միայն կապիտալների միավորում է, այլ համատեղ

գործունեություն իրականացնելու նպատակով անձանց միավորումն է: Կոոպերատիվի կառավարման բարձրագույն մարմինը նրա անդամների ընդհանուր ժողովն է: Կոոպերատիվի յուրաքանչյուր անդամ ունի մեկ ձայնի իրավունք:

Լիակատար ընկերակցությունը (ԼԸ) ներառում է միայն լիակատար մասնակիցներ (լիակատար ընկերներ), որոնք ընկերակցության անունից զբաղվում են ձեռնարկատիրական գործունեությամբ և իրենց պատկանող զույրով պատասխանատվություն են կրում կազմակերպության պարտավորությունների համար: Լիակատար ընկերակցության մասնակիցներ կարող են լինել միայն անհատ ձեռնարկատերերը և (կամ) առևտրային կազմակերպությունները: Անձը կարող է լինել միայն մեկ լիակատար ընկերակցության անդամ: Լիակատար ընկերակցության շահույթը բաշխվում է մասնակիցների միջև իրենց բաժնեմասերի համաչափությամբ:

Վստահության վրա հիմնված ընկերակցությունը (ՎԸ) դա այն տնտեսական ընկերակցությունն է, որում ընկերակցության անունից ձեռնարկատիրական գործունեություն կատարանցող և իրենց զույրով ընկերակցության պարտավորությունների համար պատասխանատվություն կրող մասնակիցների (լիակատար ընկերներ) հետ միասին կան մեկ կամ մի քանի մասնակից ավանդատուներ (սահմանափակ մասնակիցներ կամ կոմանդիտիստներ), որոնք իրենց ներդրած ավանդների գումարների սահմաններում կրում են ընկերակցության գործունեության հետ կապված վնասների ռիսկը և չեն մասնակցում ընկերակցության իրականացրած ձեռնարկատիրական գործունեությանը և կառավարմանը: Անձը կարող է լիակատար ընկեր լինել միայն մեկ վստահության վրա հիմնված ընկերակցությունում: Լիակատար ընկերակցության մասնակիցը չի կարող լիակատար ընկեր լինել վստահության վրա հիմնված ընկերակցությունում:

Այժմ դուք ծանոթ եք ՀՀ-ում գործող ձեռնարկատիրական գործունեությանը զբաղվող սուբյեկտների կազմակերպա-իրարակալական ձևերին, և կարող եք կատարել ընտրություն ձեր բիզնեսը սկսելու համար: Ստորև հակիրճ կներկայացնենք դրանց գրանցման ընթացակարգը:

Անհատ ձեռնարկատիրոջ (ԱԶ) գրանցումը

Չեր բիզնեսը գրանցելու համար որևէ բանկում վճարեք 3000 դրամ պետական տուրք և Պետական ռեգիստրի գրասենյակ ներկայացրեք

- ▶ գրանցման դիմում (դիմումի ձևը կստանաք պետռեգիստրի գրասենյակում)
- ▶ անձնագրի պատճենը
- ▶ մեկ 3x4 չափի լուսանկար
- ▶ պետական տուրքի վճարման անդորրագիրը

Պետական ռեգիստրը դիմելուց հետո երկու աշխա-տանքային օրվա ընթացքում կայանալու է որոշում ԱԶ-ի պետական գրանցման մասին: Դիմումը մերժելու դեպքում մեկ աշխատանքային օրվա ընթացքում ձեզ պետք է տրվի գրավոր բացատրություն: Գրանցվելու դեպքում ձեզ կտրվի պետական գրանցման վկայական:

Իրավաբանական անձի (ԻԱ) գրանցումը

Իրավաբանական անձ գրանցելու համար նախապես անհրաժեշտ է անցկացնել հիմնադիրների ժողով, որի ժամանակ որոշվում է ստեղծել իրավաբանական անձ: Ժողովին պետք է մասնակցեն բոլոր հիմնադիրները: Այս ժողովը պետք է արձանագրվի և արձանագրությունը պետք է ստորագրվի ժողովի նախագահի և քարտուղարի կողմից (մեկ հիմնադիրի դեպքում ստորագրում է միայն ինքը): Այնուհետև պետք է մշակել իրավաբանական անձի կանոնադրությունը և որոշել կազմակերպության անվանումը: Իրավաբանական

անձ գրանցելու համար պետական տուրքը 12000 դրամ է, իսկ անվանումը հաստատելու համար` 5000 դրամ: Ընկերության անվանման գրանցումը կատարվում է Պետական ռեգիստրի գրասենյակում: Պատասխանը կտրվի երկու օրվա ընթացքում: Եթե ձեր ընտրած անվանումը մերժվի, ապա 5000 դրամ պետական տուրքը ուժի մեջ կլինի այլ անվանում գրանցելու համար: Այս վճարումները կատարեք որևէ բանկում և Պետական ռեգիստրի գրասենյակ ներկայացրեք հետևյալ փաստաթղթերը

- ▶ Դիմումի ձևը
- ▶ Գրանցման համար պետական տուրքի անդորրագիրը
- ▶ Ընկերության անվանման գրանցման վկայականը
- ▶ Ընկերության կանոնադրության 2 օրինակ
- ▶ Հիմնադիրների ժողովի արձանագրությունը



Իրավաբանական անձի գրանցելու մասին դիմումը հաստատվում կամ մերժվում է հինգ աշխատանքային օրվա ընթացքում: Մերժման դեպքում դուք հինգ օրվա ընթացքում կստանաք գրավոր ծանուցում: Գրանցվելու դեպքում տրվում է ԻԱ գրանցման վկայական:

Պետական մարմիններում հաշվառման կանգնելը

Եվ որպես անհատ ձեռնարկատեր և որպես իրավաբանական անձ գրանցվելուց հետո երեսնօրյա ժամկետում անհրաժեշտ է հարկային ծառայությունում հաշվառվել որպես հարկ վճարող և ապահովագրի: Դրա համար տարածքային հարկային տեսչությունում պետք է լրացնել համապատասխան հաշվառման ձևը: Հաշվառման համար իրավաբանական անձը պետք է ներկայացնի նաև գրանցման վկայականի և կանոնադրության պատճենները, իսկ անհատ ձեռնարկատերը գրանցման վկայականի և անձնագրի պատճենները: Հարկային

մարմինը ձեզ կտրամադրի հարկ վճարողի հաշվառման համարը (<ՎՀՀ>), որը ութանիշ թիվ է, որը պետք է տեղ գտնի ձեր բոլոր հարկային փաստաթղթերի վրա:

Անկախ բիզնեսի իրավակազմակերպական ձևից դուք պետք է կատարեք սոցիալական վճարներ, որի համար պետք է հաշվառվել Հարկային ծառայությունում նաև որպես ապահովագիր: Հաշվառվելու համար հարկային ծառայություն պետք է ներկայացնել պետական ռեգիստրի գրանցման վկայականի և կանոնադրության պատճենները, <ՎՀՀ> տեղեկանքը և լրացնել ապոհվադիրի հաշվառման ձևը:

Չեռնարկության Կնիք

Բոլոր իրավաբանական անձինք պետք է կնիք ունենան: Անհատ ձեռնարկատերերի համար կնիք ունենալը պարտադիր չէ, սակայն որոշակի գործարքներ իրականացնելիս շատ կարևոր է այն ունենալ: Կնիք պատվիրելու համար նախ պետք է ՀՀ ոստիկանությունից ստանալ թույլտվություն, որի համար ոստիկանության բաժանմունք պետք է ներկայացնել հետևյալ փաստաթղթերը

- ▶ լրացված դիմումի ձևը՝ կնիք պատվիրելու թույլտվություն ստանալու համար
- ▶ պետական գրանցման վկայականի պատճենը
- ▶ կանոնադրության պատճենը
- ▶ <ՎՀՀ> տեղեկանքի պատճենը
- ▶ կնիք պատվիրելու թույլտվության համար պետական տուրքի վճարման անդորրագիրը (6000 դրամ, վճարված որևէ բանկում)

Թույլտվությունը սովորաբար տրվում է մեկ օրվա ընթացքում: Թույլտվությունը ստանալուց հետո կարող եք պատվիրել կնիքը “Կնիք” ՓԲԸ-ում, (հասցեն՝ Երևան, Երվանդ Բոչարի 5):

Լիցենզավորում

Անկախ բիզնեսի գրանցման իրավակազմակերպական ձևից տնտեսական գործունեության որոշ տեսակների համար անհրաժեշտ է ունենալ լիցենզիա: Լիցենզավորվող գործունեության տեսակները որոշված են ՀՀ լիցենզավորման մասին օրենքով: Եթե ձեր գործունեության համար անհրաժեշտ է լիցենզիա, այն կստանաք ՀՀ ֆինանսների նախարարությունից: Դրա համար պետք է ներկայացնել

- ▶ դիմում
- ▶ պետական գրանցման վկայականի պատճենը
- ▶ կանոնադրության պատճենը
- ▶ լիցենզավորման ենթակա գործունեության տեսակը
- ▶ <ՎՀՀ> տեղեկանքի պատճենը

Մաքսային ծառայությունում հաշվառվելը

Մաքսային ծառայությունում հաշվառվում են միայն այն անձինք, որոնք զբաղվելու են արտահանմամբ և (կամ) ներմուծմամբ: Չեր տարածաշրջանի մաքսատանը հաշվառվելու համար անհրաժեշտ է ներկայացնել հետևյալ փաստաթղթերը՝

- ▶ դիմում արտահանման/ներմուծման գործունեություն իրականացնելու մասին
- ▶ պետական գրանցման վկայականի պատճենը
- ▶ կանոնադրության պատճենը
- ▶ <ՎՀՀ> տեղեկանքի պատճենը
- ▶ տեղեկանք բանկից՝ ձեր հաշվեհամարի վերաբերյալ

